

«TASDIQLANGAN»

«MY INSURANCE» AJ ST

Bosh direktorining

2021 yil “___” ____ dagi

— -II-sonli buyrug‘iga

— - ilova

Korxona va tashkilotlar xodimlari (Aholi)ni baxtsiz hodisalardan hamda ularga tegishli bo‘lgan mol-mulkni kompleks sug‘urtalash – “TEZKOR” sug‘urta loyihasi Qoidalari

1. Mazkur Qoidalari O‘zbekiston Respublikasining amaldagi qonunchiligi hamda “MY INSURANCE” AJ STning 1-klass “Baxtsiz hodisalardan sug‘urtalash Qoidalari”, 9-klass “Mulk sug‘urtasi Qoidalari” hamda 3-klass “Er usti transport vositalari va unga aloqador xavflarni sug‘urta qilish Qoidalari” asosida ishlab chiqilgan bo‘lib, O‘zbekiston Respublikasidagi Korxona va tashkilotlar xodimlari (Aholi)ni (keyingi o‘rinlarda “Sug‘urta qildiruvchi” deb nomlanadi) yuqorida keltirib o‘tilgan sug‘urta turlari bo‘yicha ularning mulkiy manfaatlarini sug‘urta qilish tartibi va shartlarini belgilab beradi.

2. **Qoidalari maqsadi:** Sug‘urta qildiruvchiga va/yoki Sug‘urtalangan shaxsga baxtsiz hodisa natijasida sog‘lig‘iga va/yoki hayotiga hamda ularga tegishli bo‘lgan ko‘chmas mulk va er usti transport vositalariga (uning qismlariga) etkazilishi mumkin bo‘lgan zararlardan mazkur Qoidalarda belgilangan xavflardan sug‘urta qilish.

3. **Sug‘urta obyekti bo‘lib,** Sug‘urta polisining amal qilishi davrida baxtsiz hodisa natijasida Sug‘urtalangan shaxsning sog‘lig‘iga va/yoki hayotiga, hamda Sug‘urta qildiruvchining ko‘chmas mulkiga va yer usti transport vositasiga (uning qismlariga) belgilangan qaltisliklar oqibatida yetkazilgan zararning Sug‘urtalovchi tomonidan to‘lab berilishi bilan bog‘liq mulkiy manfaatlari hisoblanadi.

4. **Sug‘urta subyektlari bo‘lib,** Sug‘urtalovchi hamda sug‘urta polisida Sug‘urta qildiruvchi va Naf oluvchi sifatida ko‘rsatilgan shaxslar hisoblanadi.

5. Ushbu Qoidalarda quyidagi atamalar qo‘llaniladi:

Sug‘urtalovchi – O‘zbekiston Respublikasi Moliya vazirligi litsenziyasi asosida faoliyat yurituvchi «MY INSURANCE» MChJ.

Sug‘urta qildiruvchi – Sug‘urtalovchi bilan sug‘urta polisini tuzgan va u bo‘yicha sug‘urta mukofotini to‘lagan jismoniy shaxs.

Sug‘urtalangan shaxs – Sug‘urtalovchi va Sug‘urta qildiruvchi o‘rtasida tuzilgan sug‘urta polisi asosida mulkiy manfaatlari himoyalangan jismoniy shaxs.

Sug‘urta hodisasi – to‘satdan, oldindan anglanmagan va insonlarning hohishisiz yuz bergen, Sug‘urtalangan shaxsning sug‘urta muddati mobaynida jarohatlanishi yoki o‘limiga olib kelgan hamda ko‘chmas mulk va/yoki transport vositasiga zarar keltiruvchi baxtsiz hodisa.

Sug‘urta polisi – sug‘urta mukofoti to‘langanidan so‘ng, Sug‘urtalovchi bilan Sug‘urta qildiruvchining kelishuviga binoan hamda uning sug‘urta summasi doirasidagi javobgarligini tasdiqlovchi hujjat.

Sug‘urta summasi – Sug‘urtalovchi sug‘urta polisi bo‘yicha Sug‘urta qildiruvchi oldidagi majburiyatlarini qoplashi uchun pul summasining eng yuqori hajmi.

Sug‘urta mukofoti – Sug‘urta qildiruvchi sug‘urta polisiga muvofiq Sug‘urtalovchi (uning agenti)ga to‘lashi shart bo‘lgan sug‘urta uchun haq (badal).

Sug‘urta toponi – sug‘urta polisida nazarda tutilgan sug‘urta hodisasi yuz berishi natijasida ko‘rilgan zararni qoplashi uchun Sug‘urtalovchi tomonidan to‘lanadigan pul mablag‘lari summasi.

Nafoluvchi – sug‘urta polisi uning foydasiga tuzilgan shaxs. Agar sug‘urta polisida boshqa shaxs foydasiga tuzilganligi ko‘rsatilmagan bo‘lsa, sug‘urta polisi Sug‘urtalangan shaxs foydasiga tuzilgan hisoblanadi. Sug‘urtalangan shaxsning o‘limi holatida esa O‘zbekiston Respublikasining amaldagi qonunchiligidagi belgilangan uning merosxo‘ri foydasiga tuzilgan hisoblanadi.

Sug‘urta qoplamasi hududi – butun dunyo.

Sug‘urta javobgarligi vaqtি – tun-u kun.

Sug‘urta javobgarligi davri – Sug‘urtalovchining sug‘urta tovonini to‘lash bo‘yicha javobgarligi sug‘urta mukofoti to‘langan sanadan uch kundan keyingi kunning 00.00 soatidan e’tiboran kuchga kiradi hamda bir yil (365 kun) davomida ushbu sug‘urta qoidalariga ko‘ra birinchi yuz bergen sug‘urta hodisasi yuzasidan to‘lov amalga oshirilgunga qadar amalda hisoblanadi. Ya’ni sug‘urta qoplamasi sug‘urta polisining amal qilish davri (bir yil)da faqat bir marta amalga oshiriladi.

6. Sug‘urtalash tartibi va jarayoni:

6.1. Sug‘urtalash Sug‘urta qildiruvchi sug‘urta mukofotini to‘laganidan so‘ng Sug‘urtalovchining rasmiy sayti yoki uning sug‘urta agenti tomonidan elektron sug‘urta polisini berish yo‘li bilan rasmiylashtiriladi.

6.2. Sug‘urta qildiruvchi polis muddatidan ilgari voz kechgan taqdirda, Sug‘urtalovchiga to‘langan sug‘urta mukofoti qaytarib berilmaydi.

7. Baxtsiz hodisalardan sug‘urtalash.

7.1. Sug‘urta hodisalari bo‘lib, quyidagi hodisalar:

Sug‘urtalangan shaxsning yiqlishi yoki uning ustiga biror-bir predmetni tushishi;

kutilmagan bo‘g‘ilish, nafas olish yo‘llariga tasodifan yot jismlarning tushishi, viruslarning tushishi bundan mustasno;

zararli mahsulotlar yoki moddalar oqibatida jiddiy zaharlanish (zararli o‘simliklar, kimyoviy moddalar, dori-darmonlar, sifatsiz oziq-ovqatlar);

qo‘l-oyoqlar yoki umurtqaning keskin jismoniy zo‘riqishi tufayli mushak (muskul), pay, paycha yoki tomirning qisman yoki butunlay cho‘zilishi;

kuyish, sovuq urishi, cho‘kish, elektr toki urishi;

uchinchchi shaxslarning tajovuzi va/yoki hayvonlarning hamla qilishi;

tabiiy ofatlar sababli Sug‘urtalangan shaxsning sog‘lig‘iga zarar etishi natijasida,

- **Sug‘urtalangan shaxsning vaqtinchalik mehnatga layoqatsizligi;**

- **Sug‘urtalangan shaxsga 1 yoki 2 guruhi nogironligi belgilanishi;**

- **Sug‘urtalangan shaxsning vafoti** yuz berishi hisoblanadi.

7.2. Sug‘urta summasi va mukofoti:

- mazkur sug‘urta turi bo‘yicha bitta sug‘urta polisi uchun **20 000 000** (yigirma million) so‘mdan kam bo‘limgan miqdorda sug‘urta summasi belgilanadi;

- sug‘urta mukofoti sug‘urta summasining **0,50** foizini - **100 000** (yuz ming) so‘mdan kam bo‘limgan miqdorni tashkil etib, bir yillik sug‘urta davri uchun to‘lov hisoblanadi.

7.3. Istisnolar.

Ushbu Qoidalarga ko‘ra, quyidagi holatlar Sug‘urta hodisasi deb hisoblanmaydi va javobgarlik olib borilmaydi:

- Sug‘urtalangan shaxsning qasddan jinoyat sodir etishi natijasida tan jarohat olishi yoki vafot etishi;

- Sug‘urtalangan shaxsning sug‘urta hodisasi hisoblanmagan holat natijasidagi vaqtinchalik

mehnatga layoqatsizligi, nogironligi yoki vafot etishi;

- o‘zining biror a’zosini qasddan jarohatlashi;
- o‘z-o‘zini o‘ldirishga suyqasd qilishi;
- VICH-infeksiyalanish, narkotik va psixotrop moddalarini iste’moli tufayli kasallanishlar va o‘limi;
- fuqarolik va harbiy to‘ntarishlarda, xalq qo‘zg‘olonlarida qatnashishi natijasidagi hodisalar;
- homiladorlik, tug‘ish va tug‘ruqdan keyingi bola parvarishi tufayli mehnatga layoqatsizligi;
- bemor oila a’zosi, kasal (nogiron) va sog‘lom bolani parvarishlash tufayli vaqtinchalik mehnatga layoqatsizligi;
- sanatoriya-kurortda davolanish uchun kasallik varaqasini ochtirish.

7.4. Sug‘urta tovonini to‘lash tartibi va shartlari:

7.4.1. Sug‘urta tovoni Sug‘urtalovchi tomonidan Sug‘urtalangan shaxsga yoki uning merosxo‘riga Sug‘urta mukofoti Sug‘urta polisida belgilangan miqdorda va shartlarda to‘langan taqdirda to‘lab beriladi.

7.4.2. Sug‘urta hodisasi yuz berganda, sug‘urta tovonini olish uchun Sug‘urtalovchiga quyidagi hujjatlar taqdim etilishi kerak:

- o‘rnatilgan shakldagi ariza;
- sug‘urta polisi (asli);
- shaxsni tasdiqlovchi hujjat nusxasi;
- baxtsiz hodisa yuz bergan vaqtdan e’tiboran 3 (uch) ish kuni ichida berilgan, shuningdek sug‘urta hodisasining sanasini tasdiqlovchi tibbiy hujjatlar (kasallik varaqasining nusxasi, davolanishning davomiyligi haqida ma’lumotnomma, TMEK xulosasining nusxasi, o‘lim to‘g‘risidagi guvohnoma nusxasi);
- zarurat bo‘lganda, Naf oluvchining shaxsini tasdiqlovchi hujjat va meros huquqining kuchga kirganligini tasdiqlovchi hujjat.

7.4.3. Sug‘urta hodisasi natijasida Sug‘urta tovoni o‘rnatilgan sug‘urta summasiga nisbatan quyidagi foiz miqdorlarida to‘lab beriladi:

- Sug‘urtalangan shaxs vaqtinchalik mehnatga layoqatsiz bo‘lib qolsa, sug‘urta summasining **10 foizi**;
- Sug‘urtalangan shaxsga nogironlik belgilansa:
 - a) I guruh uchun sug‘urta summasidan – **75 foiz**;
 - b) II guruh uchun sug‘urta summasidan – **50 foiz**;
- Sug‘urtalangan shaxsning o‘limi yuz berganda sug‘urta summasining **100 foizi**.

7.4.4. Sug‘urtalangan shaxsga sug‘urta tovoni ularning mehnatga layoqatsizligi, nogironligi yoki o‘limi sug‘urta hodisasi yuz bergan kundan e’tiboran bir yil davomida yuz bersa va to‘g‘ridan-to‘g‘ri sug‘urta hodisasining oqibati hisoblansagina to‘lab beriladi.

7.4.5. Sug‘urtalangan shaxsning o‘limidan so‘ng Naf oluvchi unga tegishli sug‘urta tovonini olishga ulgurmay turib, vafot etsa, u holda Sug‘urtalangan shaxsning o‘limi holati bo‘yicha sug‘urta tovoni ushbu Naf oluvchining merosxo‘rlariga to‘lab beriladi.

8. Mol-mulkni sug‘urta qilish (avtotransport vositalaridan tashqari)

8.1. Sug‘urta hodisalari:

- **yong'in** (olov ta'sirida, gaz portlashi, yashin urishi, yonuvchi mahsulotlar yetkazgan zarar, yong'inni o'chirish tadbirlaridan ko'rilgan zarar);

- **suv toshishi** (santexnika tizimlarning yorilishi, qo'shni xona (binolar)dan);

- **mechanik shikastlanish** (transport vositalarining kelib urilishi, uchuvchi apparatlar va ular qismlarining kelib tushishi, daraxtlar, ustunlar, narsalarning qulashi);

- **uchinchchi shaxslarning g'ayriqonuniy harakatlari** (buzg'unchilik, o'g'irlilik, bosqinchilik, talonchilik, bezorilik);

- **tabiiy ofatlar** (zilzila, yer o'pirilishi, ko'chki, dovul, bo'ron, to'fon, vulqon otilishi, suv toshqini, shiddatli atmosferaviy yog'ingarchilik).

8.2. Sug'urta summasi va mukofoti:

- mazkur sug'urta turi bo'yicha bitta sug'urta polisi uchun **25 000 000** (yigirma besh million) so'mdan kam bo'limgan miqdorda sug'urta summasi belgilanadi;

- sug'urta mukofoti sug'urta summasining **0,40** foizini - **100 000** (yuz ming) so'mdan kam bo'limgan miqdorni tashkil etib, bir yillik sug'urta davri uchun to'lov hisoblanadi.

8.3. Istisnolar:

Ushbu Qoidalarga ko'ra, quyidagi holatlar Sug'urta hodisasi deb hisoblanmaydi va javobgarlik olib borilmaydi:

- yadroviy portlash, radiasiya yoki radioaktiv zaharlanish;

- harbiy harakatlar va boshqa harbiy tadbirlar;

- fuqarolik urushlari, turli ko'rinishdagi xalq qo'zg'olonlari yoki ish tashlashlar;

- davlat organlari qaroriga ko'ra mol-mulkni buzish, musodara qilish, konfiskatsiya qilish, rekvizisiya qilish, hisobga olish yoki yo'q qilish;

- Sug'urta qildiruvchining hamda oila a'zolarining qasddan qilingan harakatlari;

- Sug'urta qildiruvchining toksik, narkotik yoki alkogol moddalar ta'sirida mast holatdagi harakatlari (harakatsizligi);

- mulkning chirishi, korroziysi va uning boshqa tabiiy xususiyatlarini o'zgarishi;

- Sug'urta qildiruvchi uy-joyi (kvartira)da portlovchi moddalar va portlash xavfi bo'lgan moslamalarni tayyorlash, saqlash, ulardan foydalanish, kimyoviy va fizikaviy tajribalarni o'tkazish;

- tabiiy ofat, yer osti yoki o'rmon yong'ini natijasida, agarda Sug'urta polisi sug'urta obyekti joylashgan hududning mahalliy maxsus vakolatli organ (FVV, IIV, Gidrometeorologik xizmat va boshqa)lari tomonidan tabiiy ofatlar, yer osti va o'rmon yong'ini yuz berishi xavfi mavjudligi haqida xabar berilganidan so'ng tuzilgan bo'lsa;

- boshqa sug'urta hodisalarini keltirib chiqarmagan holda, elektr tokining qisqa tutashuvi vujudga kelishi natijasida elektr uskunlari detallari va tizimlariga zarar etishi;

- sug'urta Sharhnomasini tuzish vaqtida mavjud bo'lgan mol-mulkdagi nuqsonlar tufayli.

8.4. Sug'urta tovonini to'lash tartibi va shartlari:

8.4.1. Sug'urta qildiruvchi hodisa yuz berganda, bu haqda zudlik bilan maxsus vakolatli organlarga ma'lum qilishi va 72 soat ichida (dam olish va bayram kunlarini hisobga olmagan holda) har qanday maqbul yo'l bilan (telefon, telegram orqali) Sug'urtalovchiga xabar berish lozim. Xabar bergen kundan boshlab, 30 (o'ttiz) ish kunidan kechiktirmagan holda hodisa yuz bergenligi haqidagi yozma ariza va Sug'urtalovchi tomonidan talab qilingan zarar faktini tasdiqlash, sababi va miqdorini aniqlash uchun zarur bo'lgan boshqa hujjatlarni taqdim etish lozim.

8.4.2. Sug‘urta tovonini olish uchun o‘rnatilgan shakldagi ariza quyidagi hujjatlar ilova qilingan holda taqdim etiladi:

- sug‘urta polisi;
- shaxsini tasdiqlovchi hujjat (pasport) nusxasi;
- sug‘urtalangan mulkka bo‘lgan egalik huquqini tasdiqlovchi hujjatlar;
- mustaqil baholovchi tashkilotning zarar miqdori bahosi haqidagi dalolatnomasi (ma'lumoti);
- vakolatli organlarning (Gidrometeorologik xizmat, FVV, IIV, tergov organlari, sud va boshqa maxsus vakolatli organlarning qarori) sug‘urta hodisasi to‘g‘risidagi hujjatlari.

8.4.3. Sug‘urtalangan mulkka etkazilgan zarar miqdori mustaqil baholovchi tomonidan aniqlanadi. Sug‘urta tovoni sug‘urta polisida belgilangan sug‘urta summasi doirasida to‘lanadi. Bu miqdor tomonlar o‘rtasida o‘zaro kelishilgan holda ham belgilanishi mumkin.

9. Transport vositasini sug‘urta qilish.

9.1. Sug‘urta hodisalari:

- **zararlanish** – yo‘l-transport hodisasi (amaldagi yo‘l harakati qoidalarida ta’riflanishiga muvofiq), yong‘in, portlash, transport vositasiga predmetlarning tushib ketishi, tabiiy ofatlar, uchinchi shaxslarning g‘ayriqonuniy harakatlari;

- **olib qochish** (amaldagi yo‘l harakati qoidalarida ta’riflanishiga muvofiq).

9.2. Sug‘urta summasi va mukofoti:

- mazkur sug‘urta turi bo‘yicha bitta sug‘urta polisi uchun **30 000 000** (o‘ttiz million) so‘mdan kam bo‘limgan miqdorda sug‘urta summasi belgilanadi;

- sug‘urta mukofoti sug‘urta summasining **1,0 foizini – 300 000** (uch yuz ming) so‘mdan kam bo‘limgan miqdorni tashkil etib, bir yillik sug‘urta davri uchun to‘lov hisoblanadi.

9.3. Istisnolar:

Ushbu Qoidalarga ko‘ra, quyidagi holatlar Sug‘urta hodisasi deb hisoblanmaydi va javobgarlik olib borilmaydi:

- transport vositasini zaruriy hujjatlarga ega bo‘limgan shaxs tomonidan boshqarilishi;

- transport vositasini alkogol, narkotik yoki toksik moddalar yoxud ta‘qilangan dori-darmonlarni qabul qilish ta’sirida mast holatda bo‘lgan shaxs yoki yo‘l harakati xavfsizligiga tahdid soladigan darajadagi charchoqlik va betoblik holatida bo‘lgan shaxs tomonidan boshqarilishi, shuningdek, sug‘urtalangan transport vositasi haydovchisining YTH joyidan yashirinishi yoki tibbiy tekshiruv (ekspertiza)dan o‘tishdan bosh tortishi;

- Sug‘urta qildiruvchi yoki uning ishonchli vakili tomonidan sug‘urta tovonini olish maqsadida berilgan ma'lumotlar yolg‘onligining aniqlanishi;

- boshqa sug‘urta hodisalarini keltirib chiqarmagan holda shinalarning shikastlanishi, elektr tokining qisqa tutashuvi vujudga kelishi natijasida elektr uskunalar detallari va tizimlariga zarar etishi;

- transport vositasini ro‘yxatga olish belgilarining, shuningdek transportni ishlab chiqaruvchi-zavod tomonidan o‘rnatilmagan va/yoki qo‘srimcha uskunalar sifatida sug‘urtalangan uskunalarining o‘g‘irlanishi, shikastlanishi;

- sug‘urta hodisasi yuz bergan vaqtida sug‘urtalangan transport vositasining ichida bo‘lgan mol-mulkka zarar etishi.

9.4. Sug‘urta tovonini to‘lash tartibi va shartlari:

9.4.1. Sug‘urta qildiruvchi yuz bergan hodisaning xususiyatidan kelib chiqib zudlik bilan maxsus vakolatli organlarga ma'lum qilishi va 72 soat ichida (dam olish va bayram kunlarini hisobga

olmagan holda) har qanday maqbul yo‘l bilan (telefon, faks orqali) Sug‘urtalovchiga xabar berishi lozim. Xabar bergan kundan boshlab 10 (o‘n) ish kunidan kechiktirmagan holda etkazilgan zarar haqida yozma ariza va zaruriy hujjatlarni taqdim etishi lozim;

9.4.2. Sug‘urtalovchining vakillari tomonidan shikastlangan transport vositasini ko‘zdan kechirish (monitoring) uchun shart-sharoitlar yaratib berish lozim.

9.4.3. Sug‘urta tovonini olish uchun o‘rnatilgan shakldagi arizaga quyidagi hujjatlar ilova qilinadi:

- sug‘urta polisi;
- shaxsni tasdiqlovchi xujjat (pasport) nusxalari;
- sug‘urtalangan mulkka bo‘lgan egalik huquqini tasdiqlovchi hujjatlar;
- YTH vaqtida transport vositasini boshqargan shaxsning haydovchilik guvohnomasi va transport vositasini boshqarish huquqini beruvchi ishonchnomaning nusxasi;
- YTH vaqtida transport vositasini boshqargan shaxsning hushyorligi to‘g‘risida tibbiy tekshiruv xulosasi;
- zarar miqdori to‘g‘risidagi baholovchi hisoboti yoki ustaxona kalkulyasiyasi;
- zarurat bo‘lganda yuz bergan hodisaning xususiyatidan kelib chiqib, belgilangan shakldagi sug‘urta hodisasining yuz berganlik shart-sharoitlarini tasdiqlovchi, maxsus vakolatli organlar (DYHXX, IIV, FVV, Gidrometeorologik xizmat, sud va boshqalar) qarori.

Sug‘urtalovchi polisning amal qilish vaqtida bir marotaba, agar ushbu polis bo‘yicha sug‘urta tovoni to‘lanmagan bo‘lsa, sug‘urta summasining 10 foizigacha bo‘lgan miqdordagi zararlarni maxsus vakolatli organlarning qarorlarisiz qoplab berish huquqiga ega.

10. Umumiylashuv shartlar.

10.1. Hisoblangan sug‘urta mukofoti bir yo‘la to‘lanadi. Shuningdek, korxona va tashkilot xodimlarini sug‘urtalashda xodimlari soni 20 tadan ziyod bo‘lgan taqdirida oyma-oy (10 oy muddatda) grafik asosida teng miqdorlarda bo‘lib-bo‘lib to‘lanishi mumkin. Bunda oylik to‘lov har oyning 15-sanasiga qadar to‘lanishi kerak.

10.2. Sug‘urta mukofotini korxona va tashkilotning 20 yoki undan ko‘p bo‘lgan xodimlari bo‘lib to‘lash orqali amalga oshirganda Sug‘urta qildiruvchi sug‘urta hodisasi sodir bo‘lgunga qadar, Sug‘urta polisida ko‘rsatilgan sug‘urta mukofotining faqatgina ma'lum bir qismini to‘lagan bo‘lsa, sug‘urta tovoni quyidagi tartibda amalga oshiriladi:

- agar Sug‘urta qildiruvchi sug‘urta mukofotini to‘lash grafigi muddatini buzmagan bo‘lsa, u holda Sug‘urtalovchi sug‘urta tovonini sug‘urta hodisasi yuz bergan vaqtda to‘lanmagan sug‘urta mukofotini chegirgan holda amalga oshiradi.

- agar Sug‘urta qildiruvchi sug‘urta mukofotini to‘lash grafigi muddatini buzgan bo‘lsa, u holda Sug‘urtalovchi sug‘urta tovonini sug‘urta hodisasi yuz bergan vaqtda sug‘urta summasining miqdorini sug‘urta mukofotining to‘langan qismiga mutanosib ravishda cheklaydi.

10.2. Sug‘urtalovchi sug‘urta tovoni to‘lovi bo‘yicha qarorini qabul qilishi uchun Sug‘urta qildiruvchi (Sug‘urtalangan shaxs, Naf oluvchi) va o‘zgalardan boshqa zaruriy hujjatlarni belgilangan tartibda talab qilish xuquqiga ega.

10.3. Sug‘urta tovoni Sug‘urta qildiruvchi (Sug‘urtalangan shaxs yoki Naf oluvchi)ning bank hisob raqamiga pul o‘tkazish yo‘li bilan barcha zaruriy hujjatlar olingandan so‘ng, sug‘urta dalolatnomasi tasdiqlangan kundan e’tiboran 5 (besh) ish kuni davomida to‘lab beriladi. Hodisa yuzasidan jinoiy ish ochilgan holat bundan mustasno.

10.5. Shartnomaga bo'yicha sug'urta tovoni Sug'urtalovchi tomonidan Tomonlar bilan kelishilgan holda, Sug'urta qildiruvchi (Sug'urtalangan shaxs yoki Naf oluvchi)ning bank plastik kartasiga o'tkazish yo'li bilan amalga oshiriladi.

10.6. Sug'urta tovoni Sug'urtalovchi tomonidan, qonunchilikda belgilangan tartibda rasmiylashtirilgan ishonchnomaga ko'ra Sug'urta qildiruvchi (Sug'urtalangan shaxs yoki Naf oluvchi)ning vakiliga to'lab berilishi mumkin.

10.7. Sug'urta qildiruvchi, sug'urta davri mobaynida sug'urtalangan mol-mulk (jumladan TV)ga tegishli ma'lumotlar o'zgargan taqdirda, Sug'urtalovchiga 3 (uch) ish kunida xabar berishi shart va shu asosda Sug'urta qildiruvchiga sug'urta polisi qayta rasmiylashtirib beriladi.

10.8. Agar Sug'urta qildiruvchi (Naf oluvchi) zarar etkazilganligi uchun javobgar shaxslardan pul mablag'i olgan bo'lsa, Sug'urtalovchi sug'urta qilish shartlari bo'yicha, javobgar shaxsdan olingan pul mablag'i va haqiqiy zarar o'rtasidagi farqni sug'urta summasi doirasida to'lab beradi. Baxtsiz hodisalardan sug'urtalash bundan mustasno.

10.9. Agar amaldagi qonunchilikda ko'zda tutilgan da'vo muddati davomida Qonun yoki ushbu polis bo'yicha Sug'urta qildiruvchini to'liq yoki qisman tovon olish huquqididan mahrum qiluvchi holatlar aniqlansa, Sug'urta qildiruvchi sug'urta hodisasining ro'y berishi natijasida polis bo'yicha olgan sug'urta tovonini Sug'urtalovchiga qaytarib berishga majbur. Baxtsiz hodisalardan sug'urtalash bundan mustasno.

